



საქართველოს სახელმწიფო დაცვის სპეციალური
სამსახურის უფროსის

ბ რ ძ ა ნ ე ბ ა

№ 2842

ქ. თბილისი

24 იანვარი, 2017 წელი

სატრანსპორტო საშუალებებისა და მათთან დაკავშირებული მოწყობილობების შეკეთების, ტექნიკური მომსახურების და მასთან დაკავშირებული მომსახურებების გამარტივებული ელექტრონული ტენდერის საშუალებით სახელმწიფო შესყიდვის ერთობლივად განხორციელების თაობაზე

„სახელმწიფო დაცვის სპეციალური სამსახურის შესახებ“ საქართველოს კანონის მე-7 მუხლის მე-2 პუნქტის „კ“ ქვეპუნქტის, „სახელმწიფო შესყიდვების შესახებ“ საქართველოს კანონის მე-9 მუხლის „1“ პუნქტის, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-4 მუხლის შესაბამისად

ვ ბ რ ძ ა ნ ე ბ ა:

მუხლი 1.

2017 წლის განმავლობაში სახელმწიფო დაცვის სპეციალური სამსახურის ბალანსზე რიცხული ოთხი ერთეული და სამსახურის სახელმწიფო კონტროლს დაქვემდებარებული სსიპ - სახელისუფლებო სპეციალური კავშირგაბმულობის სააგენტოს ბალანსზე რიცხული ოთხი ერთეული ავტომანქანის ტექნიკური მომსახურების, შეკეთების, შესაბამისი მოწყობილობებისა და მომსახურების გამარტივებული ელექტრონული ტენდერის საშუალებით სახელმწიფო შესყიდვის ერთობლივად განხორციელების მიზნით:

1. დაევალოს სახელმწიფო დაცვის სპეციალური სამსახურის ეკონომიკურ დეპარტამენტს შესაბამისი გამარტივებული ელექტრონული ტენდერის დადგენილი წესით ჩატარება სამსახურის სატენდერო კომისიის საშუალებით.

2. სატენდერო დოკუმენტაციით განსაზღვრული მოთხოვნების და ტექნიკური პირობების გათვალისწინებით, ამ ბრძანების საფუძველზე გამოცხადებულ გამარტივებულ ელექტრონულ ტენდერში გამარჯვებულ პრეტენდენტთან, სახელმწიფო შესყიდვის შესახებ სათანადო ხელშეკრულების გაფორმება უზრუნველყოს:

ა) სახელმწიფო დაცვის სპეციალური სამსახურის ეკონომიკურმა დეპარტამენტმა - 10000 (ათი ათასი) ლარის ფარგლებში;

ბ) სსიპ - სახელისუფლებო სპეციალური კავშირგაბმულობის სააგენტომ - 10000 (ათი ათასი) ლარის ფარგლებში;

3. ამ ბრძანების საფუძველზე სახელმწიფო შესყიდვის შესახებ გაფორმებულ ხელშეკრულებებში:

ა) ანაზღაურების პირობად განისაზღვროს უნაღდო ანგარიშსწორება, რომელსაც სახელმწიფო დაცვის სპეციალური სამსახური უზრუნველყოფს საბიუჯეტო სახსრებით, ხოლო სსიპ - სახელისუფლებო სპეციალური კავშირგაბმულობის სააგენტო - საკუთარი შემოსავლებით;

ბ) შესყიდვის ობიექტის მიწოდების წესად განისაზღვროს, რომ მიწოდება განხორციელდება ხელშეკრულების გაფორმების დღიდან 2017 წლის 31 დეკემბრის ჩათვლით და არანაკლებ შესაბამისი ხელშეკრულების პირობებით განსაზღვრული მოცულობისა.

4. კონტროლი ბრძანების შესრულებაზე განხორციელოს სახელმწიფო დაცვის სპეციალური სამსახურის ეკონომიკური დეპარტამენტის უფროსმა, სახელმწიფო დაცვის პოლკოვნიკმა **ნუგზარ ყამბეგაშვილმა**.

5. ბრძანება გადაეგზავნოს სახელმწიფო დაცვის სპეციალური სამსახურის ეკონომიკურ დეპარტამენტს და სსიპ - სახელისუფლებო სპეციალური კავშირგაბმულობის სააგენტოს.

მუხლი 2.

ბრძანება ძალაშია ხელმოწერისთანავე.

საფუძველი: სსიპ - სახელისუფლებო სპეციალური კავშირგაბმულობის სააგენტოს 09.11.2016წ. N162 წერილი და სამსახურის ეკონომიკური დეპარტამენტის 24.01.2017წ. N2770 სამსახურებრივი ბარათი.

სამსახურის უფროსი,
სახელმწიფო დაცვის
გენერალ-მაიორი

გამოყენებულია ელექტრონული ხელმოწერა

ანზორ ჩუბინიძე